

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum,

Die Jovis vigesimâ primâ Martii 1709.

M. PHILIPPO DOUTE',

DOCTORE MEDICO,

PRÆSIDE.

An statim à Pastu imbecilli duntaxat ventriculo motus omnis noxius?

I.

VIVERE velle; vitam non servare proprium hominis vitium est. Queritur brevem esse eam, quam intemperantiâ suâ multò breviorẽ facit. Unde tot precipites & immaturi interitus, quæris? Numeras coquos. Miraris! Nunc sunt mores; quis enim simplici victu utitur, nisi quem non finit egestas aliter facere. Palato sapit alimenti diversitas; non salubritas. Sic loquuntur omnes. Verè sibi Medicus est, qui temperamentum suum noverit; utinam illi verè noverint: sed undè possis eorum doctrinam cernere, semetipsos jugulant. O doctissimos viros! Cui nulla vivendi lex, is si credat valere & senescere posse, nihilò plus agat, quàm si cum ratione insaniat. Tibi igitur non sit tanta voluptatis cupiditas, ut cum dormire debeas, vigiles; quiescere, movearis, præsertim si tantæ molis sit coctio imbecilli ventriculo. Præcipua coctionis causa à salivâ pendet. Crudior sanguinis portio Veteribus audit. Nobis chylus nondum tenuatus, nec in sanguinem mutatus, qui coctioni iterum mandatur, ut chylosim perficiat. Ideò qui stomacho sunt imbecilli, solent utplurimum spueri, & à sputo copiosiori tabes corporis sequitur. Inest salivæ mira virtus, quæ alimenta in chylum sibi consimilem mutet. Acida, acriavè, in dulcem succum faciscunt. Secus accidit, ubi qualitate pravâ saliva inficitur, perversè agit in cibum, & coctionem ejus evertit; in quam quidè, ut rectè fiat, quicumque valere volet, debebit incumbere.

II.

QUANTUM sit quod infert corpori damnum prava chylosis, testantur diversa morborum genera. Magna quidè est vis æris in corpus humanum: sed non ita facilè tyrannidem suam exerceret, nisi præcessisset vitium alimenti aut coctionis ejus. Quare diù

sæpiſſimè ſerpit latitans in venis cacochymia , quæ datâ occasione ſtrages edit. Primæ digeſtionis error non emendatur in alterâ. Morbus eſt in procinctu ; niſi à pravo illo fermento liberetur ſanguis. Deſumpatur continuò. Pellit in emunctoria omne ſibi noxium. Sic morboſos impetus eludit. Fermentatio id perficit. Nullus eſt in toto corpore ſuccus qui non fermenteſcat. Sempèr alteratur, ſempèr immutatur. Coloris & ſaporis alteratio , certus eſt liquoris fermenteſcentis index. Exemplum erit muſti in vinum alteratio, ejuſque in acetum degener ſtatus. Alimenta in ventriculo ſolvuntur fermentatione. Hæc lenis eſt, vixque ſenſilis ; undè liquor exurgit dulcis in ſtatu ſano, alius in morboſo. Anſam præbet innumeris morbis ; nam quid non indè, ſi acidus, aut acris, aut alius ac eſſe debet ad ſanguinem pervenerit chylus, amicâ cum eo unione non conjungetur. Crudiori gravatus ſucco ſanguis inordinatè bulliet ; minimis hærens tubulis inſarctus pariet, maxime ſi redundet acidum. Naturalis temperies horret àb acido ; vix una in toto corpore ſalis acidimica deprehenditur : ſed alkali ſaluſ, hocque volatile. Totius humani corporis analyſi factâ, non plus unâ drachmâ fixi ſalis reperire eſt. Omnes ſales eamdem obtinent naturam. Variant pro variâ inter ſe diſpoſitione , pro diverſo cum aliis principiis connubio. Ex alimentis acidi, in ſanguine pepſi dulces. Mutato ſitu dixeris indolem atque eſſentiam mutari. Fuge igitur quodcumque ad ſanguinis flumen acidum vehit, aut in ipſo generat. Hoc inferunt curæ, tædia, corporis motus mollitèr operanti ventriculo nunquàm non nocitura.

III.

MOTUS, exercitatio, & labor, diverſa ſunt nomina, res eadem : nèc diverſa inter ſe niſi comparatione factâ. Ut in univerſo nihil magnum, nihil parvum ; niſi comparatum ; ita motus erit exercitatio, aut labor, & vice verſâ. Quod modicum eſt alteri, alteri immodicum fit ; quin & eidem, res eadem, pro tempore modica & immodica redditur. Antiquitati placuit motum & exercitationem, ut genus & ſpeciem conſiderare. Per motum intelligebant actionem corporis, quæ cum erat vehemens, vèl labor, vèl exercitium appellabatur. Hujus maxima fuit illis temporibus varietas. In ludis & ſacrificiis authoritatem in principio tantum habebat : tandem àb Herodico Medicinæ adjunctum fuit. Alii ambulando corpus movebant, alii geſtatione utebantur ; ſivè in vehiculo, ſellâ, cathedrâ, aut lectulo pendente. Et hæ quidem erant placidæ & quietæ motiones. Vehementes, curſu, ſaltu, jaculatione, pugilatu abſolvebantur. Quibusdam familiaris erat pilæ ludus, qui pro pilæ differentiâ triplex erat. Hos contrà adverſarium indutis armis pugnare, illos contrà columnam : venari, piſcari, & bene multa alia facere juvabat alios. Friſtiones etiàm, Veneris, & balnei uſus inter exercitia reſenſebantur.

Exercitiorum hodiè minor est apparatus, numerus minor; quibus si utamur, non de sanitatis curâ tam solliciti, quàm voluptatis cupidi: nihiloscitius quid meliùs in firmandis corporibus, morbis arcendis: sed plùs ex eâ re mali erit, quàm commodi, cui nulla erit ratio. Hæc esse debet, ut quis non statim à cibo moveatur, debili ventriculo ad difficile coctionis opus se accingenti. Tutiùs est ei qui non concoxit, ex toto conquiescere, quàm se exercitio credere: quidquid contrà dicant, qui quò citiùs è stomacho præceps agitur alimentum, eò citiùs coctum illud credunt; qui idcirco id quod cruditas est coctionem appellant.

I V.

UBI fames urget, ab animi corporisque motibus vacare convenit: multò magis ubi satietas est. Quò major est utriusque commotio, eò pejor habetur. Ab eo quod est in Symmetro viget œconomia animalis; ab extremis dejicitur. Quid mali secum portent animi pathemata, notum: non ità de corporis exercitio constat. Segnis quietem amat, agilis semper moveri cupit: similiter ut omnes agant, commonet uterque. Hic quiescat, ille moveatur oportet. Neutri statim à cibo corpus exercitatione dimovere convenit; infirmo nequidè motus. Quid eventurum sit cogita. Coctionis officinæ succusæ, partes vicinas concutient; distrahent pondere suas, eò magis, quò debiliores; quibus alligantur. Tonus ventriculi premente cibo solvetur. Hinc laboriosa fit respiratio; anxietas sequitur totius corporis cum torpore; laborat caput; Tibiæ corporis pondere obrutæ, huic sustinendo redduntur impares; deniquè totus homo sibi metipso videtur ægrotare. Motus, intus suscepta hùc illuc alimenta agitando, in alienam à naturali commutat temperiem. Citiùs quàm par est solvuntur, potiùs dividuntur, quàm coquuntur. Sales eorum ad statum, ut dicunt, floris evecti, quem malè cauta, exercitationis cupiditas irritat, aut necessitas urget, ructibus importunis molestant. Fatigatus hiat utrâque parte ventriculus: undè ructus, undè etiàm cibi præcipites aguntur in intestina, & semicrudi committuntur eorum trituræ: sed frustra. Hinc pilæ ludus, saltus, equitatio digestionis officiant. Omne quod vehemens est exercitium, stomacho validis noxium est, ut imbecillis quod mitius est. Quicumque igitur, ut coctionem adjuvet, exercetur, sui poenas erroris luet. Excipi debent pueri: quippè qui sapissimè in die edant; idque mediocriter; licet plurimi cutaneis affectibus laborent. Itaque passeres perpetuò motu moventur, granum dumtaxat unum, aut alterum indentidè vorantes.

V.

QUICUMQUE chymicas metallorum dissolutiones intuentur, è vestigio digestionis modum alimentorum scire seputant.

In hoc magis ignaros se præbent, adeoque tyrones potiùs quàm in arte peritos. Ventriculus in quibusdam insigni robore pollet, in aliis maxime debilis est, quo in numero magna pars urbanorum, omnesque penè cupidi litterarum sunt. Cum paritur, malè se habet universum corpus. Succussus non amat. Ab assumpto emetico, canis abdomine fectò, illum vix motu donari aliquo palàm fit; imò nullo. Cessat vomitus statim atque amovenitur muscoli abdominis, quos si in suo naturali situ reponas, rursus evomit. Ventriculum non immeritò comparaveris cum avium ingluvie, in quâ tam non teruntur grana quàm humectantur. Fundula ventriculi conterit. Ideò validissimis musculis circumdatur. Curiosum est quod in fele evenit recentèr macdato. Post horæ quadrantem, vibebis motum à piloro ad podicem usquè continuari, immoto prorsus ventriculo. Quis igitur fiet coctio? An menstruo acri inflammationes ipsi ventriculo parituro? An tritu solo? Minimè. Panificium operandi naturæ modum detegit. Attende. Frustulum pastæ servatur; quod ubi cum aliâ pastâ miscetur, hanc fermentat. Id ipsum incipiens alimentum digestio est. Similitèr, saliva continuo deglutita, fermentum est cibis elixandis accomodatam. Non vinum fermentabit pastam farinaceam: Sèd benè cerevisia, cum ipsa ex farinâ sit. Id quod vinum in acetum convertit, fæx est ipsius aceti. Requiritur ergò convenientia inter dissolvens, & id quod solvitur. Hæc in salivâ reperitur. Chyli videtur esse portio jam prægressarum coctionum sero diluta, easdem dotes obtinens; nam ab acidâ chylosi, multi salivam acidam spuunt, præcipuè si malum inveteraverit. Hæc nisi vitiosa sit, salsa, acida, aut alkalicæ indolis non deprehenditur: sèd dulcis est, qualis esse debet chylus, ut corpus nutriat. Ubi talis est, tam placidè ac benignè agit, ut, qui comedit, eodem ferè modo ac jejunos, sed sine fame, se habere sibi videatur. Quæ fiunt in corpore sano functiones, sine molestiâ peraguntur. Quis homo est verè sanus, qui in se ipso motum vel cordis, vel intestinorum percipiat, aut difficilè respiret, aut urinæ sentiat acritatem? Nequè paritèr cibi digestio percipi debet. Cum adeò tranquilla sit, cave nè perturbetur. Si quæ robusto sui cura corporis habenda, maxima debili. Huic nocebit motus: non illi. Sequere quæ ratione carent (iis quoad functiones naturales, similis homo) animalia quippè solo naturæ instinctu agentia viam monstrant, & ab assumpto cibo quiescunt.

Ergò statim à Pastu imbecilli dumtaxat ventriculo motus omnis noxius.

Proponebat Parisiis JOANNES NICOLAUS DE LAHIRE,
Parisiensis, Baccalaureus Medicus. A. R. S. H. 1709.

Typis Viduæ Francisci Muguet, Regis & Facult. Medicinæ Typographi.